

Kuala Lumpur: Dewan Bandaraya Kuala Lumpur (DBKL) memaklumkan sebanyak 189 tindakan sitaan sudah dilakukan terhadap premis perniagaan yang menyebabkan halangan barangan di tempat awam sejak Januari lalu sehingga kini.

Antara kesalahan ialah seperti meletakkan kerusi, meja, payung dan lain-lain di laluan siar kaki serta petak parkir awam.

Unit Media Jabatan Perancangan Korporat DBKL berkata, selain itu, 2,641 notis kesalahan dikeluarkan mengikut Seksyen 46(1)(d), Akta Jalan, Parit dan Bangunan 1974 atas kesalahan yang sama melalui

DBKL sita 189 premis degil

Jabatan Penguatkuasaan.

“Jabatan Penguatkuasaan DBKL juga mengadakan tindakan khas Keja (Kerusi Meja) yang memfokuskan kepada pemindahan halangan seperti kerusi dan meja yang diletakkan secara menghalang oleh perniagaan di tempat awam.

“Sehingga kini, 258 tindakan sita atau pindah halangan dijalankan sejak Januari di sekitar Kuala Lumpur,” katanya kepada Harian Metro.

DBKL berkata demikian menjawab pertanyaan mengenai jumlah keseluruhan premis yang disita akibat

kesalahan yang dilakukan sehingga kini.

Mengulas lanjut, DBKL berkata, tindakan itu diambil disebabkan premis perniagaan itu berulang kali membuat halangan di tempat awam menyebabkan gangguan kepada orang ramai.

“Proses pemindahan hanya dilaksanakan apabila pengeluaran notis kesalahan dilihat tidak berkesan dan peniaga terus mengulangi kesalahan yang sama.

“Untuk premis yang dikendalikan oleh warga asing sepenuhnya, tinda-

kan penutupan serta-merta akan dilaksanakan.

“Notis kesalahan turut dikeluarkan terhadap pemilik premis yang menggaji warga asing tanpa permit sah,” katanya.

DBKL berkata, pihaknya juga akan mencadangkan pembatalan lesen perniagaan majikan berkenaan.

“DBKL melaksanakan operasi bersepadu bersama agensi sahabat seperti Polis Diraja Malaysia (PDRM) dan Jabatan Imigresen Malaysia (JIM) untuk membanteras aktiviti perniagaan oleh warga asing di Kuala Lumpur,” katanya.



OPERASI sita oleh DBKL di sekitar Bukit Bintang, baru-baru ini.
- Gambar FACEBOOK DBKL